

**■ GLOSSA**

# Motivà politicamain!

DA SILVIO CAMENISCH

Uss tschantsch jau il chef de mission Gian Gilli envers las medias las medias las medias. Il fatg che bunamain tuts olimponics svizzers turnan da Londra senza metal prezius enturn culiez u enturn nua adina è motivà politicamain! Nus avessan spetgà il cuntrari avant e durant, ed essan vegnids trumpads malamain. Na, nus n'avevan betg sufflà si il ballon in extremis, cun la speranza da turnar cun silmain tschintg enfin set medaglias. Facit: Ins n'ha betg gugent nus. Man mag uns nicht. Im Alleingang. Punct. Avess il professor econom emerità Walter Wittmann savì dir avant dus onns: Wenn die Superblase platzt... in ungefähr zwei Jahren! Chapeau, WW76! Jau t'ha n'ha jent. I va te gugent.

Che Nino (Schurter) l'uman ha fatg segund sin ses parcours da country cross è motivà politicamain! Il Tschec è vargà noss Nino l'uman sin ils ultims 200 meters, ha guardà enavos en posa da victur ed ha anc ris tschuf latiers! Meh Dräck pervi da nus en Chasa federala cun il duo Blocher & Chris von Rohr, tar swiss olimpic, essan nus! u tar la Fifa da la miffa cun il catolic Blatter, n'essan betg nus! Grazia. Che tschel Nino (des Buissonnets) il chavagl



ha fatg emprim sin ses parcours da country ross da character fitg fitg difficil savess esser stà motivà politicamain dals Jurassiers.

Na. Ils noss n'han betg già sex avant e durant ils gieus! Quai avevan nus communitgà e motivà oralmain ed en scrit, puspè avant e durant, na san ins betg repeter avunda, e sco chef de mission essan nus responsabels che nus na squazzian, na sfarlattian betg nossas forzas nunnecessari avant e durant. Suenter puspè a chasa tar ils noss pudain nus adina, sche nus pudain. Nus na pudain er betg pli uschia, suenter ils gieus. Suenter ils gieus è adina puspè avant ils gieus. Mo anc 3457 giadas durmir han lieu danovamain ils gieus, quella giada a Rio, garanti er già motivà e sancziunà politicamain!

Uss stuain nus il chef de mission e gidanters e gidanters da gidanters

(bain parasites?) ir sur ils cudeschs, co far auter u meglio. Ils cudeschs dals cudeschs en avant maun, gist, sin ils tavulins da dumengias, grazia als editurs ad hoc ed a galopp. Olimponics, en lur sport. Sport è mort, di jau er, pir ch'insacur. Nus ans na bittain betg sur quels cudeschs d'evangelis, nus avain respect: Pleds e scrits/Reden und Schriften. La Müdada. Ouvras da Lansel. La Jürada. Ouvras da Peer. Ouvras da Mathis: maggi ed omagi avain nus dà e prendi. Ustrinkata...

Mintga hallodri grischun e rumantsch sa fa en ch'igl è motivà politicamain che nus na survegnin betg finalmain olimpiadas. Ussa di jau insatge, sco chef de mission, dastgan las medias pir communitgar, las medias. Insacur, insacur giain nus sin las barricadas, duessan nus betg finalmain analmain era vegnir resguardads. Stà si, defenda, resguard pretenda! è nossa meglra uraziun da cumbat per nossa chaussa, per chaussa nossa, ed è motivà betg mo politicamain! Grischuns e Rumantschs duain ir a processions da funs a rugar per proximas olimpiadas. Van noss amis vallesans ad implorar il tschiel per dapli glatscher, giain nus per dapli olimpida!, quai di in chef de mission tut auter che frustrà, anzi motivà, politicamain.